


საგარეო საგარეო საგარეო საგარეო
საგარეო საგარეო საგარეო
საგარეო საგარეო საგარეო



Печатается съ разрѣшенія и благословенія Высокопреосвящен-
нѣйшаго Флавіана, Экзарха Грузіи, Архіепископа Карталинскаго
и Кахетинскаго. 18-го Февраля 1899 года.

საგარეო საგარეო საგარეო საგარეო
საგარეო საგარეო საგარეო საგარეო
საგარეო საგარეო საგარეო საგარეო

მსოფრეობა და მუქალაქიოგა ღირსისა შაგისა

ანტონ მესვეტისა,

საგვირგულთ-მომქმედისა მარტყოფელისა.



მ. კ.

ტფილისი, 1899 წ.

სტამბა მ. შარაძისა და აშხანაგობისა, ნიკოლოზის ქუჩა, № 21.

ანტონ მესვეტისა,

საკვირგულთ-მომქმედისა მარტყოფელისა ¹⁾



ღირსი და ღმერთ-შემოსილი მამა ჩვენი ანტონი მარტყოფელი იყო ერთი ათ-ცამეტთა ასურელთა, ანუ კაბადოკიელთა ²⁾ მამათაგანი. მამა ანტონის მოძღვარი და მასწავლებელი იყო წმიდა იოანე ზედაზნელი; ამ გამოცდილის მოძღვრის ხელმძღვანელობით მოღვაწეობდა მამა ანტონი ჯერ ისევ თავის სამშობლო-ქვეყანაში — კაბადოკიაში. კაბადოკია ძრიელ აღრე გაქრისტიანდა და სახელი გაითქვა თავისთა შეილთა სამისიონერო მოღვაწეობით; იგი გადაიქცა სამისიონერო მანაკად იმეათეის, ვინცა იმოუფებდნენ ბსულსა და აჩრდალთა საკვდილისათ ³⁾. მკვიდრნი მცხოვრებნი კაბადოკიისა — მესხნი, ხალიბნი, კოლხნი, იბერნი, ისპირელნი და სხვანი, როგორცა სწანს მოსე წინასწარმეტყველის, ვგვიპ-

¹⁾ მარტყოფის მონასტერი იმყოფება თბილისიდან ოცი ვერსის მანძილზე ჩრდილო-აღმოსავლეთად.

²⁾ სპარსულთ ომების დროს პირველად ჩნდება სახელწოდება კაბადოკიისა, რომელსაც ზერძნებმა შემდეგ დაარქვეს ასურეთი.

³⁾ იხილე ისტორიული მონოგრაფია „წმინდა მოციქულთ-სწორი ნინო, განმანათლებელი საქართველოსი.“ მწყემსი 1889 წ. № 6 უნიშენა 2.

ტელთა ძველ მატთანდან, ასირიელების წარწერებიდან და ძველ საისტორიო ნაწერებიდან; იმავე ჩამომავლობისა იყვნენ ქართველნი — ქართლოსიანები. ეს ეხლა ქეშმარიტება არის, დამტკიცებული და დამყარებული ახალის ყოვლად სარწმუნო ფაქტებითა. *) ამ ერთ-ტომობითა და ნათესაობით აიხსნება ის ისტორიული ამბავი, რომ მისიონერები მოდიოდნენ ჩვენში კაბადოკიიდან. წმ. ნინო განმანათლებელი საქართველოსი კაბადოკიელი იყო. მთავარ-მოწამე გიორგი, პატრონი საქართველოსი და განსაკუთრებით პატივცემული ქართველთაგან აგრეთვე კაბადოკიელი იყო. საქართველოს ეკლესიაც პირველში მიწერილ იქმნა იმავე ანტიოქიის საპატრიარქოს *), რომელიც იმყოფებოდა კაბადოკიის სამზღვართა შორის და საიდანაც მოდიოდნენ ჩვენში პირველნი მღვდელთმთავარნი და მოძღვარნი ეკლესიისანი. გრიგოლ ღვთისმეტყველი — განმანათლებელი არაგვის ხეობისა **) კაბადოკიიდან იყო მოსული; იქიდგანვე მოვიდნენ ათ-ცამეტნი მამანიცა.

*) იხილეთ წიგნაკი პროფესორის დ. ი. ჩუბინაშვილისა, „ეტნოგრაფიული განხილვა ძველთა და ახალთა მკვიდრთა კაბადოკიისათა“ და გამოკვლევა პროფესორის ა. ს. ხახანაშვილისა „Древн. пред. раз. груз. по малой Азии. Москва 1890 г.“

**) დღემდე ანტიოქიის პატრიარქის ტიტული ასეთია „პატრიარქი ღვთის ქალაქისა ანტიოქიისა, ასურეთისა, ივერიისა, კილიკიისა, მესოპოტამიისა და სრულიად აღმოსავლეთისა.“ მოგზაურობა მურავიოვისა წმ. ადგილებში, ნაწილი მეორე გვ. 199.

*) ბოდორნის სახარებაში, რომელიც დაწერილია მეთხუთმეტე საუკუნეში, წმ. გრიგოლი ნაზიანზელი ირიცხება არაგვის განმანათლებელად; მის სახსოვრად წმ. მეფე დავით აღმაშენებლის დროს დაწესებული იყო ლიტანიობა ქ. დუშეთში. იხილეთ „Описание Душета“ იოსელიანისა, გვ. 20—23. შენ-. 12.

მეექვსე საუკუნეში ანტიოქიის მიდამოთა შორის, როგორც მოწმობს ჩვენი საეკლესიო მატრიანე და მარტიროლოგია, აღმობრწყინდა ნეტარი იოანე ლეწლ-შემოსილი, ვითა სხივ-მფენი რამ მნათობი, რომელსაც ყოველ მბრძანებელსა და მბრძანებელსა იმის ბრძნულ ხელმძღვანელობით წარმატებულოდ სულიერად და მიებაძნა მისთვის ბერ-მონაზვნის მოღვაწეობითა; მაგრამ თუ ანტიოქიაში აღორძინებული იყო ეკლესია ქრისტესი და თვითეულ მის წევრს შეეძლო უშიშრად და ცხადად ელვიარებინა ქრისტეს სარწმუნოება. სამწუხაროდ ეს ასე არ იყო მაშინდელ საქართველოში, რომელსაც გარშემო ეხვივნენ წარმართნი ცეცხლის თაყვანის-მცემელნი და მწვალებელნი. ამ ნორჩის საქტრიანო ეკლესიისათვის საუბედურო დროს საქართველოს ანუ ივერიაში დიდის გულ-მოდგინებით ვრცელდებოდა ზორასტრის მოძღვრება, რომლის მფარველი და დამცველი იყო ყოველად ძლიერი მაშინდელი სპარსეთი. მეექვსე საუკუნე და დასაწყისი მეშვიდისა განსაკუთრებით გაჭირვებული დრო იყო ახლად დანერგილის საქართველოს ეკლესიისათვის. თუ საქირო იყო ოდესმე, სწორედ ეხლა იყო საქირო ზნეობრივი და სარწმუნოებრივი შემწეობა და დახმარება.

კურთხეული ივერია მუდამ ღვთისა ღედის ყოველად წმინდის მფარველობის ქვეშ იმყოფებოდა, რომლის ფიქრიც გამუდმებულის მზრუნველობით თავს დასტრიალებდა საქართველოს. და მართლაც, ღედამ ღმრთისამ, ამ დაუძინებელმა მეოხმა და მლოცველმა, რომელიც მოწყალე თვალით უცქეროდა თავის ზვედრს ქვეყანასა ¹⁾, უბრძანა წმ. იოანეს: წადი

¹⁾ მეფე-ისტორიკოსი კონსტანტინე ჰორფიროგენეტი თავის *Troité de e'administration de e'Empire*, რომელიც შეადგინა 952 წელს ამ-

შენის მოწაფეებითურთ ივერიაში და დაამყარე იქ წმ. სარწმუნოებაო. საქართველოს ერის მოწიწებით დაცულ თქმულებიანამებრ, ყოვლად წმიდა დედოფალს წილად ხვდა ქვეყანა ივერიისა, როცა მოციქულებმა გაინაწილეს თავიანთ შორის სხვა და სხვა ქვეყნები ქრისტიანობის საქადაგებლად და ღვთის-მშობელმაც ანდრია პირველ-წოდებულისა და მოციქულთა-სწორის ნინოს შემდეგ სხვა ახალნი განმანათლებელნი მოიპოვა თვისის ქვეყნიურის ხვედრის განსამტკიცებლად ქრისტეს სარწმუნოებაზედ.

ღირსმა იოანემ სასწაულებრივ იხილა ყოვლად უბიწო დედა-ღვთისა, რომელმაც უბრძანა მოქცევა საქართველოსი. ამ ბრძანების აღსასრულებლად იოანე წამოვიდა საქართველოში თორმეტის თვისის რჩეულის მოწაფითა; ეს თორმეტნი მოწაფენი ჩვენს საეკლესიო საგალობლებში შედარებულნი არიან 12 ქვას, რომელნიც ამკობდნენ ძველის აღთქმის მღვდელ მთავრის შესამოსელს^{*)}. საქართველოში ღირსსა იოანეს გამოეცხადნენ ყოვლად-უბიწო ღვთის-მშობელი და წმ. ნინო და უბრძანეს: გაჰგზავნე შენი მოწაფენი ქართლსა და კახეთს სახარების საქადაგებლად და ქრისტიანობის გასაფრცელებლად წარმართ მთიელებშიო. იოანემ დაუყოვნებლივ

ბოძს: „უნდა ვიცოდეთ ივერიის კუროპალატნი (მეფენი) თავს იჭებენ და ამბობენ მეფე წინასწარმეტყველის დავითის ჩამომავალნი ვართო. იმათის აზრით ქართველთა მეფენი წარმომდგარან დავითის იმ შვილისაგან, რომელიც იყო მისი უკანონო ცოლის ურიისაგან ნაშობი. ამიტომ ყოვლად-წმიდა ქალწულის მარიამის ნათესავეებათა სთვლიან თავიანთ თავს, რადგან ისიც დავითის გვარის შთამომავალი იყო.

*) იხ. მე-ნ საგალობელი სტიქარონისა, რომელიც იგალობება 7 მაისს დიდის მწუხრის დროს.

აასრულა მათი წმინდა სურვილი, დაარიგა მოწაფენი თვისნი და გაპგზაენა, საითაც გზა უჩვენა სულმა წმიდამ, რომელიც უწევდა ყოველ-გვარს ხელ მძღვანელობასა ივერიაში მოღვაწეობის დროს. და აი საკვირველი და სულის მაცოცხლებელი კაბადონი ღვთის სუფევის ისტორიისა გადაიშალა საქართველოში და კაცობრიობამ იხილა მიუწდომელნი და განუსაზღვრელნი გზანი ღვთის განგებისა და მადლობისანი!

ერთი ამ ათ-ცამეტთა ახალთა მოციქულთაგანი და ივერიის განმანათლებელთაგანი ლირსი ანტონი, რომლის წმიდა ცხოვრებაც გვინდა გიამბოთ, გაემართა კახეთისაკენ სამოღვაწეოდ და სახარების საქადაგებლად. პირველად მან იქადაგა მთიელთა შორის ზედა-ზადენის მთის მიდამოებში და ბევრიც დააყენა ქრისტიანად გზაზედ ჯა დანათლა კიდეცა⁹⁾.

შემდეგ ანტონმა მოიარა ქადაგებით კახეთის სხვა და სხვა სოფლები და გადავიდა ზედა-ზადენის მთების კალთებზედ აღმოსავლეთად. აქ ინახულა თვისნი თანა-მოღვაწენი: ზენონ იყალთოელი, შიო მღვიმელი და იოსებ ალავერდელი და აირჩია თვისთა თანამგზავრებითურთ ერთი ხეობა, სახელდობრ ღომატანის და დასახლდა იქ დიდოელთა და საზოგადოდ ლეკთა მეზობლად. თვისის ღვაწლ-მოსილის წმიდა ცხოვრებითა და სასწაულთ-მოქმედებით მრავლად მოიპოვა მან ველურ მთიელებში მომხრენი და მოწაფენი, რომელთათვისაც მონასტერიც დააარსა ალაზანს გაღმა. ხოლო თვითონ განმარტოვდა და დაბინავდა სოფელ ახმეტას ახლო; მაგრამ ამ განმარტოებაში დიდხანს არ დასტოვეს; ნეტარი მამა მალე

⁹⁾ იხ. წესი მწუხრ-ცისკრისა და წირვისა ანტონ მარტყოფელის პატრიუსაცემლად შედგენილი ქართულად.

მოსძებნეს ახლო-მახლო მცხოვრებლებმა, მალ-მალ დადიოდნენ მასთან და აღიდებდნენ სასწაულო-მოქმედებას, ქმნილს ანტონის მიერ ამ ახალს ბინაზედა.

აქედან ღვთის სასურველი ანტონი კვლავ წავიდა განსამარტოვებლად აკრიანის მთაზედ, რომელიც უტეხის და გაუვალის ტყით იყო დაფარული. ეს ადგილი 30 ეჯის მანძილზედ იქმნებოდა სამეუფო ქალაქს მცხეთიდან. თვით მთას დაერქვა მას აქეთ მთა მარტყოფისა, ხოლო თვით ანტონს ეწოდა სახელი მარტომყოფელისა ¹⁰⁾ გარნა ლამპარი, ანთებული დიდებულსა და სახილველად საოცარ მარტყოფის მთებზედ, დიდხანს არ დარჩა შეუნიშნავი. რამდენისამე ხნის შემდეგ, ანტონი იპოვეს მონადირეებმა, რომლებიც ფურ ირმებზედ წასულიყვნენ მთაში სანადიროდ ¹¹⁾ და სწორედ ეს ფურ-ირმები ასაზრდოებდნენ წმ. მამა ანტონს თვისის რძითა.

მას უკან ეს ადგილი სანეტარო სამყოფი შეიქმნა იმათთვის, ვისაც სწყუროდა განდევილობა და განდევილობით ღვაწლ-მოსილობა. აქედან გამოდიოდა ნათელი ანტონის ყოვლად-ქველისა და მკაცრის განდევილობით აღსავსე ცხოვრებისა და ეფინებოდა ახლად მოქცეულ ივერიელებს და ამტკიცებდა მათს სარწმუნოებასა. ღირსისა მამისა ანტონის ხორკთ-მოკვდინებით ცხოვრებამ, მისდა მიმადლებულმა ნიქმა

¹⁰⁾ იხ. გუჯრები მეფე დავით იმამ-ყული-ზანისა. აღწერა მარტყოფის მონასტრისა პლ. იოსელიანისა, 1847 წ. გვ. 29—30.

¹¹⁾ ამიტომ არის, რომ ღირსისა ანტონის ზატზედ ჰხატავენ ირემს. საჭიროა აქვე შევნიშნოთ, რომ ძველ-საქრისტიანო სიმბოლიკაში ირემი სიმბოლია მოციქულისა, კოდვის მომნაწიებლისა, წმიდანისა, იხ. Памятники Иконографии и Искусства, Н. В. Покровскаго, გვ. 34.

საკვირველთ-მოქმედებისამ და სწეულთა კურნებამ მრავლად მიიზიდა მასთან ქრისტეანენი, რომელთაც აღავსეს იქაურობა ადგილ მისის განმარტოებით ყოფნისა და აგრედვე მის-მიერ დაარსებული მარტყოფის მონასტერიცა. ღირსმა მამა ანტონმა დააწესა თვისთა რიცხვ მრავალ მიმდევართა და მოწაფეთა შორის წესი და რიგი, ხოლო თვითოეულ იქვე ახალ მონასტრის მახლობლად აიჭრია ერთი განმარტოებული და ხრიოკი ადგილი მარტყოფის მთის მწვერვალზედ, აღმართა იქკლდეზედ ქვითკირის სვეტი, ანუ კოშკი, თორმეტი ადღას სიმაღლისა პატარა ეკლესიითურთ სვიმეონ მესვეტის სახელობაზედა და დანარჩენნი დღენი თვისის სიკოცხლისა განატარა ამ მალალსულის მალხინებელს სვეტზედ. მაგრამ მახლობელ სოფლების მცხოვრებნი აქაც უშლიდნენ ხელს მის განმარტობას: ყველა მიისწრაფოდა საღმრთო სვეტისაკენ, ყველას სწყუროდა ელოცნა ხელთ-უჭმნელი ხატი მაცხოვრისა. მრავალნი სწეულნი და უძლურნი მლოცავთა შორის ვედრებითა წმ. მამა ანტონისათა იკურნებოდა. 15 წელმა განვლო მას შემდეგ, რაც ანტონი სვეტზედ ცხოვრებდა; ხოლო შემდგომად ღირსმა ანტონიმ დაუტევა ქვეყნიური ასპარეზი და აღვიდა ცად, საცა სდგას უზენაესის საყდრის წინაშე ჩვენდა ხსნის მეოხადა, მფარველად და მლოცველ-მავედრებლად ¹²⁾.

¹²⁾ იხ. ცხოვრება ღირსისა ანტონი მესვეტისა, მარტყოფელის საკვირველ მოქმედოსა, Полн. жизнь Свят. Грузинск. церкви. საბინინისა, ნაწ. III, გვ. 35—50; О праздн. устан. Прав. Грузин. Церкви и. ფურცელაძისა. გვ. 59—61; Описание Мартикоб. Мон. Пл. Иоселіани, თბილისი. 1847 წ.; Груз. и Арм. მურავიოვისა, ნ. III, გვ. 1—9; Кавказъ въ древ. Памят. Христ. дѣл. ბაქრაძისა, გვ. 98—99; საქართველოს სამოთხე, საბინინისა, გვ. 293—300 და ქართლის ცხოვრება, ნაწ. I, გვ. 156—159.

საფლავი მისის წმიდა ნეშტა იმყოფება მის მიერვე დაარსებულს მონასტერში კანკელის ჩრდილო კარებს ახლო და დღემდე ჰკურნავს სასწაულებრივ ყველას, ვინც სარწმუნოებითა და სიყვარულით მიჰმართავს წმიდანის სამარხსა¹³⁾. წმ. ანტონის პატივის-საცემლად მარტყოფის მონასტრის წინამძღვრებად ხშირად ინიშნებოდნენ ეპისკოპოსნი, ხოლო მე-XII საუკუნიდან აქ დასდეს ბინა რუსთავის ყოვლად-სამღვდელოთა, რომელთაც ჰქონდათ დროშა სარდლისა და ომიანობის დროს თავიანთის ჯარით ეჭირათ მარცხენა მხარე ლაშქრისა¹⁴⁾.

ღვთის-მოშიში და ღვთის-მოყვარული ერი საქართველოსი იმ დავითვე ეთაყვანება წმ. ანტონ მესვეტეს¹⁵⁾ და მაცხოვრის ღვთაებრივ ხელთ-უქმნელს ხატს, რომელიც ნებითა და განგებითა ღვთისითა მოსვენებულ იქმნა ივერიაში წმ. ანტონ მარტყოფელის „მესვეტეობისა სხივ-მრავალ მზისა“ მიერ¹⁶⁾.

ჯერ ისევ მაშინ, ვიდრე ღირსი ანტონი წარმოემართებოდა ანტიოქიიდან ივერიაში მოსასვლელად სხვათა ღირსთა მამათა თანა, მან იცოდა, რომ ნესტორიანების ერთ-ერთს

¹³⁾ იხ. Кавказ. Кален. 1852 წლ., გვ. 255 და Груз. и Арм. М. 6. III, გვ. 3.

¹⁴⁾ ვახუშტი, გეოგრაფიული აღწერა საქართველოსი გვ. 304.

¹⁵⁾ სადღესასწაულოში საგალობლის მე-4 მუხლში ღირსი მამა ანტონი იოანე წინამორბედსა და დიდს წინასწარმეტყველს ილიას არის შედარებული. იხ. საქართველოს სამოთხე, საბინისა, გვ. 297.

¹⁶⁾ იხ. მე-2 საგალობელი 7 მაისის დიდის მწუხრის სტიქარონისა.

ეკლესიაში ესვენა პირი ხელთ-უქმნელის ხატისა (უბრუსი)¹⁷⁾, რომელიც გაუგზავნა იესო ქრისტემ ედესის ტოპარქს აევარსა¹⁸⁾ და იქვე იყო კეცი¹⁹⁾ რომელზედაც სასწაულებრივ გადაიხატა ღვთაებრივი სახე მაცხოვრისა. ივერიაში წამოსვლამდე მამა ანტონმა ჩუმად აღიღო ის კეცი, მიისვენა გულზედ და ისე გამოუდგა საქართველოს გზას. წმ. ანტონის სანეტარო გარდაცვალების შემდეგ ხელთ-უქმნელი ხატი უფლისა ჩვენისა იესო ქრისტესი ესვენა მარტყოფის მონასტრის უმთავრეს ეკლესიაში მრისხანე თემურ-ლენგის შემოსევამდე, თითქმის მე-XIV საუკუნის გასვლამდე.

ამ დროს, როცა მთლად ქრისტეანენი ცეცხლისა და მახვილის წერად იყვნენ გამბდარნი, მარტყოფის ეპისკოპოსმა გიორგიმ († 1395 წ.) ფარულ ადგილას დაჰმალა ის ხელთ-უქმნელი ხატი; მაგრამ, როცა მონასტერი მტერმა დაიპყრო და თვით მღვდელთ-მთავარი გიორგიც მოკლულ იქმნა ქრისტეს ჯვარის მტერთაგან, ეპისკოპოსმა ველარ მოასწრო და ველარ ანიშნა მონაზონთა ძმობას, სად დაჰმალა ძვირფასი საუნჯე ქრისტიანობისა. დღესაც არაეინ იცის, სად არის დამალული იგი საუნჯე. გიორგის შემდეგნი ეპისკოპოსნი და

¹⁷⁾ საინტერესოა ამავე წმ. მანდილისა, მოთხოვნილი გადმოკართულებით და მოთავსებული გელათის სახარების ბოლოში. იხ. *Миниатюры Евангелия Гелатского Монастыря XII вѣка, И Повровскаго*, გვ. 52—57.

¹⁸⁾ საქართველოს სასულიერო მახარებელი 1864 წლ. № 7 გვ. 51—57.

¹⁹⁾ ამ აგურს საქართველოს მატრიანებში კეცი ეწოდებოდა; კეცი თიხის კურტელია, უფრო ტაფასა ჰგავს და საზოგადოდ ჩნიშნავს მასალას, რომელიც თიხის კურტლის საწარმოებლად არის მომზადებული.

მარტყოფის მონასტრის წინამძღვარნი ბევრსა სცდილობდნენ ეპოვნათ როგორმე ეს სიწმიდე, მაგრამ მათი ყოველად კეთილი და პატიოსანი ცდა ამაო იყო. ტაძრის ერთს სვეტზედ დახატული იყო საბე მაცხოვრისა და ამ გარემოებამ მისცა საფუძველი ზოგს ეფიქრათ, რომ, ვითომ, ხელთ-უქმნელი ხატიც სწორედ იმ სვეტშია დაფარული; დააქციეს ის სვეტი, მაგრამ ხატი-კი მაინც ვერ იპოვნეს²⁰). ბერ-მონაზონიც ყოველ-გვარს აღთქმასა სდებდნენ და ჰმარხულობდნენ, იქნება ველირსოთ და ღმერთმა გვაპოვნინოს დამალული წმიდა ხატიო, მაგრამ ყოველივე ამაო იყო.

საქართველოს ეკლესია ძველთა დროთაგანვე აქებს და აღიღებს თვისს საგალობლებში ამ საკვირველ-მოქმედს ხატს და ამიტომ მიღებულია, რომ თვით ამ დიდად წმინდა ხატის მომტანი, ღირსი ანტონი იხატებოდეს ხელთ-უქმნელის ხატით გულზედ. ნამდვილი პირი ამ საკვირველ-მოქმედის ხატისა დასვენებული იყო მარტყოფის მონასტერში, ვიდრე გაუქმდებოდა ის მონასტერი. 1752 წელს დაღესტნის ონავარმა ლეკებმა დააქციეს მონასტრის გალავანი, შემუსრეს სრულიად თვით ღირსის ანტონის მონასტერიცა, მაგრამ საბედნიეროდ, ბერ-მონაზონებმა მოასწრეს ხელთ-უქმნელის ხატის პირი გადაერჩინათ. ეს პირი ჩამოასვენეს ტბილისში და დაასვენეს ნიშში, რომელიც ამ ხატისთვის საგანგებოდ იყო აგებული.

²⁰) დიპ. ფურცელაძე სიმათლეს ძიებლ არიბ დაშორებული, როცა ამტკიცებს, რომ ვითომ ის წმინდა ხელთ-უქმნელი ხატი მაცხოვრისა ამ ფაშა ასენია ტფილასის სიონის საკათედრო ტაძრის ეკლდრშიო. იბ. მისი თბულება: О правди. устан. Прав. Груз. Церк., გვ. 60. შენიშვნა მე-2.

1818 წელს საქართველოს ეგზარხოსის თეოფილაქტეს განკარგულებით, ეს ხატი გადაიტანეს სიონის საკათედრო ტაძრის ეკვდერში, საცა დღემდე ასვენია.

1823 წლის მიწის-ძვრით ჩამოიქცა გუმბათი მარტყოფის ეკლესიისა და დაზიანდა აღმოსავლეთის კედელი მონასტრისა და ამ გარემოებამ მოასწრაფა შემუსვრა მონასტრისა. ნეტარ-ხსენებულმა საქართველოს ეგზარხოსად ნამყოფმა მიტროპოლიტმა ისიდორემ, აღძრულმა საღმრთო გულ-მოდგინებით ღვთის ტაძრის სადიდებელად, განაახლა შემუსვრილი მონასტერი მარტყოფისა ქველ-მოქმედთა შეწევნითა 1847 წელს. დღეს ეს მონასტერი საეგზარხოსოს სახლს აქვს მიწერილი და საზაფხულო სამყოფად არის დანიშნული საქართველოს ეგზარხოსებისათვის.

ღირსისა მამისა ჩვენისა ანტონ მარტყოფელის საფლავის პოვნის შესახებ მოგვითხრობენ შემდეგს: როდესაც შეუდგნენ ეზლანდელ ეკლესიის აგებას, მაშინ არავინ იცოდა, სად იყო საფლავი ანტონისა, ეკლესიის რომელს კუთხესა და რომელს ადგილას. დაუწყეს ძებნა, მაგრამ ვერ იპოვნეს. შესწუბდა დიდად აწ განსვენებული იოანე მაკარაშვილი, რომელმაც დიდად იამაგა მარტყოფის ეკლესიის აგებისა და განახლებისათვის. ეგ იოანე მაკარაშვილი ნორიოში სცხოვრობდა და იქ ეპოვნა ერთი ღრმად მოხუცებული, უსინათლო კაცი, რომელსაც ეთქვა, რომ მე მახსოვს, სად იყო ძველს ეკლესიაში საფლავი და, თუ დამაყენებთ დასავლეთის მხრით, პირველ კარის შესავალთან, მერე თითონ მე მივალ იმ ადგილამდე, საცა მეგულება წმინდა ანტონის საფლავაო. დააყენეს მართლა იმ კარებთან და უსინათლო მივიდა ერთს ადგილამდე, საცა გაჩერდა და სთქვა: მონახეთ


აქაო. მოსთხარეს და მალე გამოჩნდა გადაკირწყელოლი საფლაფის თავი. იოანე მაკარაშვილმა მაინც გული ვერ დააჯგრა და გაატეხინა თალი. ამოიღეს რამდენიმე აგური და იხილეს ღირსი მამა ანტონი. იოანემ მოახსენა ეს ამბავი საზაფხულოდ იქ მყოფს საქართველოს ეგზარხოსს, განსვენებულს მიტროპოლიტს ისიდორეს, ვიპოვნეთ საფლაფი თქვენო მეუფემაო. ისიდორე აღიფსო სიხარულით, მიბრძანდა და იხილა განუხრწნელად მდებარე მამა ანტონი. ისიდორემ იქ მყოფთა-თანა თაყვანისკა წმ. ანტონის ნეშტს და გარდაიხადა მკირე ლიტია და დაეხურა საფლაფს ძვირფასი ფარჩა. ეს საფლაფი მდებარებდა წინანდელს დიდს ეკკლესიაში ამბიონის წინ. მკირეოდნად მარჯვენა მხარეს, ხოლო ეხლანდელს ეკკლესიაში ჩრდილოეთის მხარეს კიდურში.

მარტყოფის მონასტერს ძველთა დროითგანვე დიდის მოწიწებით სცემს პატივს საქართველოს მართლმადიდებელი ერი, რომელიც მრავლად იკრიბება იქ სალოკავად 15 აგვისტოს ღვთის-მშობლის მიცვალეების დღეს და 16 აგვისტოს ხელთუქმნელის ხატის დღეობასა და თვით მონასტერიც ხომ ამ ხატის სახელზედ იყო დაარსებული ღირსისა მამისა ჩვენისა ანტონის მიერ. საქართველოს ეკკლესია, რომელიც ქებადიდებით იხსენიებს ანტონს, ვითარცა დიდებულს საკვირველთ მომქმედს და შესვეტის, განმანათლებელსა და შემამკობელს ზეციურის დედოფლის საღმრთო ხვედრისას. ამიტომ ჩვენმა ეკკლესიამ დააწესა მის პატივ-საცემლად ცალკე დღესასწაული 15 იანვარს, იმის გარდა, რომელიც დაწესებულია 7 მაისს საზოგადოდ ათცამეტთა მამათათვის. ჩვენმა ეკკლესიამვე შეადგინა ცალკე წესი ღვთის-მსახურებისა ამ დღისათვის, რომელიც შემდეგ შეაფსო კათალიკოსმა ანტონ I-მა, ტფილელმა მიტროპოლიტმა ნიკოლოზმა და იოანე ფილოსოფოსმა.




საქართველოს კათოლიკოს-პატრიარქ კირიონ I-ის გარდაცვალების 80 წლისთავთან დაკავშირებით საქართველოს პარლამენტის ეროვნულმა ბიბლიოთეკამ ფონდ „ქართული ბიბლიოთეკის“ ხელშეწყობით ხელმეორედ გამოსცა კირიონ I-ის გასულ საუკუნეში გამოქვეყნებული შემდეგი ნაშრომები


1. წმიდა დავით III აღმაშენებელი, მეფე ქართველთა (1089-1125)
2. ამბავი დავით გარესჯის უდაბნოს საკვირველ-მოქმედის მადლის ქვისა
3. ცხოვრება და მოქალაქეობა ღირსისა მამისა ანტონ მესვეტისა, საკვირველთ-მოქმედისა მარტყოფელისა
4. წმიდა მოწამე აბო ტფილელი




1



2



3



4

© 1998, საქართველოს პარლამენტის ეროვნული ბიბლიოთეკა

გამომცემლობა „ნეკარი“